



Rimnada sistemática da dretg communal dalla vischnaunca da Sagogn

Nummera 7710.01.01

Tetel **Regulativ da taxas da santeri**

Ediziun Ediziun dils 13.11.2015

Valeivel 05.01.2016

Remarcas preliminaras

Ord motivs da simplificaziun serefereschan indicaziuns da persunas, funcziuns e mistregns en questa publicaziun ufficala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 07.11.2017 tras Thomas

Cuntegn

I. General	3
II. Determinaziuns finalas	4

Sebasond sin la lescha da sepultura relai la radunonza communal suandont regulativ da taxas.

I. General

Cuosts

Art. 1

¹ Tuts cuosts da sepultura, sco p. ex. metter en bara, furniziun da vischi e crusch da lenn cun inscripziun ni transport dil vischi tier la caplutta da morts van sin quen dils artavels ni parents.

² Per sepulturas tenor art. 8, alinea 1 vegn mess en quen las suandontas taxas pauschalas per las prestaziuns dalla vischnaunca:

a) per satrada en vischi	gratuit
b) per fossa cun urna	gratuit
c) per urna en fossa comunabla	fr. 2000.-
d) per affons	gratuit
e) exhumaziuns	tenor lavur

³ Per sepulturas tenor art. 8, alinea 2 vegn mess en quen las suandontas taxas pauschalas per las prestaziuns dalla vischnaunca:

a) per satrada en vischi	fr. 1500.-
b) per fossa cun urna	fr. 1000.-
c) per urna en fossa comunabla	fr. 3000.-
d) per affons	fr. 250.-
e) exhumaziuns	tenor lavur

⁴ Sco affons valan tuttas persunas sut 7 onns.

Prestaziuns

Art. 2

¹ Las prestaziuns dalla vischnaunca cumpeglian suandonts puncts:

- a) cavar e curclar la fossa;
- b) diever dalla caplutta da morts;
- c) empristar la rama da lenn per 12 meins, organisar e tschentar quella ;
- d) engravar num, prenum, onn da naschienscha e da mort dil defunct silla platta da crap per la fossa communabla;
- e) publicaziuns officialas;
- f) menar ils registers tenor lescha da santeri.

² Prestaziuns dallas pleivs ein buca cumpridas.

II. Determinaziuns finalas

Ulivaziun dalla carischia

Art. 3

¹ L'adattaziun dallas taxas succeda entras la suprastonza communal tenor ils basegns.

² Aschigleiti ch'igl index naziunal dils prezis da consum (stan media 2015 = 100 puncts) semida per pli che 10 puncts addatescha la suprastonza communal las taxas.

Vigur

Art. 4

¹ Quest regulativ entra en vigur suenter ch'el ei vegnius approbaus dalla suprastonza communal.

² Quest regulativ remplazza tuts regulativs anteriurs.

Ediu tras			
Acceptau tras	Suprastonza communal	ils	05.01.2016
Controllau tras			
Publicaziun officiala dalla vischnaunca da Sagogn.			